

apres auoir fortement ramé l'espace de cinq iours, durant lesquels ils moururent quasi de faim, & traufferé le lac (ce qui en temps de calme n'eust esté que le trauail de deux iournées) ils aborderent au pied de nostre maison, & liurerent entre nos mains celui dont ils s'estoient chargez. Je ne croy pas qu'on puisse voir vn corps humain plus couuert de miserés; pas vn de nous n'eust iamais pû le recognoistre; il n'y auoit partie sur luy qui ne ressentit sa douleur: mais toutesfois le cœur estant [27] resté entier, le mal qui le preffoit le plus estoit vne faim dereglee qui luy auoit quasi osté le sentiment de tous ses autres maux.

Dieu sçait combien fut grande la consolation qu'il fentit: c'estoit bien à cette heure qu'il mouroit le plus content du monde. Nous luy donnasmes les Sacrements pour l'y mieux disposer: Mais il pleut tellement à Dieu benir la charité qu'on luy rendit, qu'en uiron quarante iours apres son arriuée il se trouua en parfaite fanté.

Que si luy fut consolé en nous voyant peut-estre que nostre ioye ne fut pas moindre que la sienne; car nous l'attendions mort, & nous le vismes en vie. Quelques Hurons de ceux qui les derniers l'auoient quitté, nous en apporterent des premiers nouvelles, ceux qui tous les premiers l'auoient plus infidelement abandonné nous en ayant caché la cognoissance, crainte comme on peut penser, que si le malade estoit secouru, il ne leur falust rendre les presens & le canot dont ils desiroient profiter. Quoy qu'il en soit on nous l'auoit fait mort, & [28] aussi tost nous auisõs equipé vn canot d'vn de nos Peres, d'vn de nos domestiques, & de quatre excellens Sauuages pour